



### **Регулямін Фестівалю „Молода Лемковина”**

1. Фестіваль Авторской Лемківской Творчости „Молода Лемковина” організуваний є Стоваришыньом Руска Бурса в Горлицях і радієм лем.фм.

Цілю фестивалю є промоція лемківського языка, хоснуваного в артистычным просторі ріжных видів сучасной музычной творчости.

2. Фестіваль Молода Лемковина єст конкурсом, котрий одбуде ся осіню 2015 р. в Горлицях.
3. В фестивали учасниками можут быти вшыткы охочы, без огляду на вік ци національність.
4. До конкурсу можут ся зголошувати солісты і ансамблі.
5. Варунком закваліфікуваня до конкурсу єст запрэзентуваня авторского, лемківського репертуару (дозволены сут вшыткы варіянтны русиньського языка). В припадках, коли будут поясніня артистычным потребом, організаторы допущают хоснуваня одступств од скодифікуваных форм языка і запозычыня з другых языків.
6. До фестивалю може ся закваліфікувати максимальні 6 зголошених учасників. Кєд чысло зголошынь буде більше, о закваліфікуваню рішыт жырі конкурсу.
7. Зголошыня до фестивалю з пропозиційом мінімум 3 позицій конкурсового репертуару (наголовок, автор, полний текст) і награньом ДЕМО в виді файля в форматі mp3 треба прислати на адрес [radio@lem.fm](mailto:radio@lem.fm) або на адрес Руской Бурсы:

Stowarzyszenie Ruska Bursa w Gorlicach  
ul. Sienkiewicza 28  
38-300 Gorlice

Награня ДЕМО не мусит быти згідне з репертуаром заміреным на фестиваль.

8. Зголошыня треба прислати до кінця мая 2015 рока.
9. Організатор забезпечат закваліфікуваным учасникам конкурсу рычалтовы кошты подорожы (до 300 зл за солісту / до 500 зл ансамбль). В деяких припадках організатор може покрити кошты нічлігу.
10. Учасників фестивалю буде оціняло жырі, составлене з узнаних лемківських творців. Жырі покликуює організатор, а його склад буде поданий до публичной відомости до кінця квітня 2015 рока.
11. Організаторы забезпечают середкы на нагороды в высокости 6 000 зл. Перша нагорода то 3 000 зл.

Про признаня наступных нагорід, їх чысло і высокіст рішат жырі. Окрем регулямінових нагорід, організатор допущат признаваня додатковых нагорід, фундуваных інчыма інституціями, фірмами і приватныма особами.

12. Зголошыня до конкурсу є автоматычным згодом на хоснуваня через організатора конкурсowych материялів (награня, знимкы і відео) во вшыткых обшырях експлоатаціі.
13. Зголошыня до конкурсу розуміє ся як акцептацию регуляміну.